

ଫିଲିମନଙ୍କ ନିକଟକୁ ପାଉଲଙ୍କ ପତ୍ର ପିଲିମନ ତାଣ୍ଡା ପାଖୁଲ ରାଫାମାନି ଆକୁ ମୁକୁ ହାଡ଼ା

ପିଲିମନ ଆକୁ ପାଖୁଲ ତାଣ୍ଡାଟି ରାସ୍ତାକି ଆହାମାନେ ୧:୧ □
ପାଖୁଲ ରମ୍ ଗାଡ଼ାତି କାୟିଦି ଇଲୁତା ମାଚାଟି ଇ ଆକୁ ରାଫାମାନେସି
□ ଏଝାସି ରମ୍ ଗାଡ଼ାତା ମାଚେସି କ୍ରୀସ୍ତ ଜାର୍ନାଆଡ଼ି ୬୧ ବାସୀ ଡାୟୁ
ଇ ଆକୁ ରାଫା ଡ଼ୟିନେସି □ ଏଚିବେଲାତା କଲସିୟ କୁଲମିତାକି
ରାଫା ଡ଼ୟିନେସି □ ଏଝାସି ଇ ଆକୁ ପିଲିମନ ଇନି ର ମାଣସିକି
ରାଫିମାନେସି □ ପିଲିମନ କୁଲମିତି କାଜାସି ଅଡ଼େ ହଲିୟାଙ୍ଗାତି
ସାଝୁକାରି ମାଚେସି □ ଏଝାରି ବିତ୍ରାଟି ଅନିସିମ ଇନି ର ହଲେଏସି
ମାଚେସି ଏଝାସି ପିଲିମନ ତାଣ୍ଡାଟି ହଟାତୁସା ମାଚେସି ଏଝାସି ପାଖୁଲ
ତାଣ୍ଡାଟି କ୍ରୀସ୍ତାନା ଆହାମାଚେସି □ ରମିୟ ଲକୁତି ମେରା ତଲେ
ଅନିସିମଇ ହାନି ତଣ୍ଡ ହାନାୟି ମାଚେ □

ଅନିସିମଇ କାର୍ମାମେସାନା ଏଝାଣାଇଁ ହଲେଏସି ଲେହେଁ ଆଏ
ସାମା କ୍ରୀସ୍ତାନା ତାୟିଲେହେଁ ଝେଣ୍ଡେ ଆବାମୁ ଇଞ୍ଜି ପିଲିମନଇଁ
ବାତିମାଲିହଁ ଇ ଆକୁ ରାଫିମାନେସି ୧:୧୩-୧୪ □

ପତିତା ମାନାୟି

- ୧ ପିଲିମନଇଁ ଜହରା ଝେହ୍ନାୟି □ ୧:୧-୩
- ୨ ଅନିସିମଇଁ କ୍ରୀସ୍ତାନା ତାୟିଲେହେଁ ଆବାଲି ଏଲେଇନାୟି □
୧:୪-୨୧
- ୩ ଆକୁତି ରାପ୍ନି କାତା □ ୧:୨୨-୨୫

୧ ନାନୁ ପାଖୁଲ, ଜୀସ୍ତ କ୍ରୀସ୍ତ ତାକି ଦସପି ଆହାମାନାତେଏଁ, ତାୟି
ତିମତି, ମା ତଲେ କାମା କିହିମାନି ଜୀଝୁତି ପିଲିମନ,

୨ ☆ଅଡ଼େ ତାଜି ଅପ୍ପିୟା ଇଞ୍ଜା ମା ତଲେ ଜୁଜୁକିନି ଆକ୍ ପ୍ପ
ଇଞ୍ଜା ମୀ ଇଜ ମାନି କୁଲମିତାକି ଆକୁ ରାଫାମାଇ;

☆ ୧:୨ ୧:୨ କଲସି ୪:୧୭

୩ ମା. ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ଅଡ଼େ ହିଡ଼ଡ଼ି ମିଙ୍ଗେତାକି ଆୟାପେ □

ପିଲିମନ ଜୀଝୁନନାୟି ଅଡ଼େ ନାମିନାୟି

୪ ନାନୁ ନା ପ୍ରାଡାନାତା ମୀ ଦରୁ ଆସାନା କାରେଏ ନା ମାହାପୁରୁଇଁ ଜହରା କିହିମାଇଁ,

୫ ପ୍ରବୁ ଜୀସୁ କ୍ରୀସ୍ତ ଇଞ୍ଜା ବାରେ ମାହାପୁରୁ ଲକୁତାକି ମୀ ଜୀଝୁନନାୟି ଅଡ଼େ ନାମୁତି କାତା ଝେଞ୍ଜାନା

୬ ଏଲେକିହିଁ ଏ ମୀ ନାମୁତଲେ ଆଣୁଝି ଆନାୟି, ମାଙ୍ଗେ ହୀପକିଆଡ଼ି ବାରେ ନେହିଁଁ କାତାତି ପୁନାଣି ତଲେ କ୍ରୀସ୍ତ ତାଣା କାମା ଆନେ □

୭ ଏନାଆଁତାକି ଇଚିହିଁଁ, ଏ ନା ତାୟି, ମାହାପୁରୁ ଲକୁତି ହିୟାଁ ମୀ ତାଣା ସୁସ୍ତି ମେଡ଼ା ଆହାମାନାକି ନାନୁ ମୀ ଜୀଝୁ ନନ୍ତି ତାଣା ରାହାଁ ଅଡ଼େ ସାସା ବେଟା ଆହିମାଇଁ □

ଅନିସିମ ତାକି ବାତିମାଲିନାୟି

୮ ଆତିହିଁଁ ଏନାୟି ନେହାୟି, ଏ କାରୁତାକି ନିଙ୍ଗେ ହୁକୁମି ହୀହାଲି କ୍ରୀସ୍ତତି ହରେଏଣା ଲେହେଁ ଆଡ଼ିଜକେଏ ନାଙ୍ଗେ ହାରେ ପୁରେ ସାସା ମାନେ,

୯ ଆଡ଼ିଜକେଏ ନାନୁ ରୁଡ଼ହା ପାଝୁଲ ଜୀଝୁ ନନାଣି ତାକି ମିଙ୍ଗେ ବାତିମାଲିମାଞ୍ଜାଇଁ, କ୍ରୀସ୍ତ ଜୀସୁ ତାକି ନୀଏଁ ନାନୁ ଦସପି ଆହାମାଇଁ,

୧୦ ନାନୁ ଇଲେକିହିଁଁ ଦସପି ଆହାମାନାଟି ନା ମୀରଏସି ଅନିସିମ ତାକି ନିଙ୍ଗେ ବାତିମାଲିମାଞ୍ଜାଇଁ;

୧୧ ଏଝାସି ନଡ଼କଏ ନିଙ୍ଗେ ଅଡ଼େ ନାଙ୍ଗେତାକି ଲଡ଼ା ହୀଆଗାଟାସି ମାଚେସି, ସାମା ନୀଏଁ ନିଙ୍ଗେତାକି ଅଡ଼େ ନାଙ୍ଗେତାକି ଜିକେଏ ଲଡ଼ା ଗାଟାସି ଆହାମାନେସି □

୧୨ ନାନୁ ଏଝାଣାଇଁ ନୀ ତାଣା ଝେଣ୍ଡେ ପାଣ୍ଡିମାଞ୍ଜାଇଁ, ଏଝାସି ନା ହିୟାଁ ଲେହେଁଁ □

୧୩ ନେହିଁଁ କାରୁତାକି ନାନୁ କାୟିଦିତା ମାଞ୍ଜାନା ଏଝାଣାଇଁ ନୀ କିନି ଜାଡ଼ନ୍ତୁ ନାଙ୍ଗେ କିହାଲି ତାକି ତାଗେ ଇଟାଲି ଅଣ୍ଡିମାଚେଏଁ,

୧୪ ସାମା ନୀନୁ ରାଜି ଆଆପାତେକା ନାନୁ ଏନାଆଁ କିହାଲି ଅଣ୍ଠାଆତେଏଁ, ଏନିକ୍ ନୀ ନେହ୍ କାମା ନୀ ମନତଲେ କିନିଲେହେଁ ଆଆନା ନେହ୍ ଅଣ୍ଠାପୁ ତଲେ ଆନେ □

୧୫ ଆତିହ୍ ଇଦି ଆହାଲି ଆଡିନେ, ଏନିକ୍ ନୀନୁ ଏଞ୍ଜାଣାକ୍ ହଲେଏଣା ଲେହେଁ ମେହ୍‌ଆନା ସାମା ହଲେଏଣା କିହାଁ କାଜାସି ଲେହେଁ, ଇଚିହ୍ ଜୀଞ୍ଜୁତି ତାୟିଲେହେଁ କାଲେଏତାକି ବେଟାଆଡି, ଏଦାଆଁତାକି ଏଞ୍ଜାସି ଏଚରଦିନା ତାକି ଏଚକା ଆହାମାଚେସି;

୧୬ ସାମା ଏଞ୍ଜାସି ଖାରକ୍ ହଲେଏସି ଆଏ, ନୀଏଁ ଏଞ୍ଜାସି ଜୀଞ୍ଜୁତି ତାୟି, ଇଚିହ୍ ଆଜା ତଲେ ଅଡେ ମାହାପୁରୁ ତାଣା ନିଙ୍ଗେତାକି ଏଚେକା ଜୀଞ୍ଜୁ ନଦାସି ଆଅସି □

୧୭ ଏଦାଆଁତାକି, ନୀନୁ ନାଙ୍ଗେ ନା ତଡ଼ତୁସି ଇଞ୍ଜ୍ ଅଣ୍ଠାପି ମାଞ୍ଜାସାରେ, ଆତିହ୍ ନାଙ୍ଗେ ଆବାତି ଲେହେଁ ଏଞ୍ଜାଣାକ୍ ଆବାମୁ □

୧୮ ଇଚିହ୍ ନିଙ୍ଗେତାକି ଏନି ଲାଗେଏ କିହାମାଞ୍ଜାତ୍ କି ନୀ ତାଣା ରୀଣା ଆହା ମାଞ୍ଜାତିହ୍, ଏଦାଆଁ ନା ଦରୁତା ରାଟାମୁ □

୧୯ ନାନୁ ପାଞ୍ଜୁଲତେଏଁ, ନା କେୟୁତଲେ ଇଦାଆଁ ରାଟିମାକ୍, ନାନୁ ଏଦାଆଁ ଝେଚହାକ୍ □ ନୀନୁଏ ନା ତାଣା ରୀଣା ମାଞ୍ଜି, ଇ କାତା ଅଡେ ନାନୁ ଝେସାଲି ଅଣ୍ଠାପି ହିଲଅଁ □

୨୦ ହାଅ, ତାୟି, ପୁରୁ ତାଣା ଆଣ୍ଡିତ୍ ନୀ ତାଣାଟି ନା ଲାବା ଆୟାନେ, କ୍ରୀସୁତି ତାଣା ନା ଜୀଞ୍ଜୁତା ବାସୁଁ ହିୟାମୁ □

୨୧ ନୀନୁ ନା ଝେସାତିଲେହେଁ କିଦି ଇଞ୍ଜ୍ ନାମୁ ମାନାକି ନାନୁ ଇ ଆକୁ ରାଟିମାକ୍; ସାତେଏ ନାନୁ ପୁଞ୍ଜାମାକ୍, ନାନୁ ଏଚେକା ଝେସିମାଞ୍ଜାକ୍, ନାନୁ ଏଦାଣିକିହାଁ ଆଗାଡା ଜିକେଏ କିଦି □

୨୨ ଇଦାଆଁ ତଲେ ନା ତୁୟିନି ଇଲୁ ଜିକେଏ କିହାନା ଇଟାମୁ, ଇଚିହ୍ ମୀ ପ୍ରାଡାନା ତଲେ ମୀରୁ ନାଙ୍ଗେ ଝେଣ୍ଡେ ବେଟା ଆୟାଦେରି, ଇଦାଆଁ ନାନୁ ଆସା କିହିମାକ୍ □

ରାନ୍ତିବେଲାତି ଜହରା

୨୩ ☆କ୍ରୀସୁ ଜୀସୁ ତାକି ନା ତଲେ କାୟିଦି ଇଲୁତା ମାନି ଏପାପ୍ରା

☆ ୧:୨୩ ୧:୨୩ କଲସି ୧:୭; ୪:୧୨

୨୪ ☆ ଇଞ୍ଜା ନା ତଲେ କାମା କିହିମାନି ମାର୍କ, ଆରିସ୍ତାର୍କ, ଦିମା
ଅଡ଼େ ଲୁକ ନିଞ୍ଜେ ଜହରା କିହିମାଞ୍ଜାନେରି □

୨୫ ମା ପ୍ରବୁ ଜୀସୁ କ୍ରୀସ୍ତତି କାର୍ମାମେହନାୟି ନେହୁଁ ଜୀସୁ ମୀ
ତଲେ ମାଣ୍ଡେ □

☆ ୧:୨୪ ୧:୨୪ କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; କାମା ୧୯:୨୯;
୨୭:୨; କଲସି ୪:୧୦; କଲସି ୪:୧୪; ୨ତିମ ୪:୧୦; କଲସି ୪:୧୪; ୨ତିମ ୪:୧୧

ପୁସ୍ତକ ଖୋଲା

The New Testament the Kusaal language (Ghana)

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

ପୁସ୍ତକ ଖୋଲା,

କୁଞ୍ଜ ପୁସ୍ତକ ଖୋଲା, 2020

The New Testament in Kuvi Language

The Word for the World International

All rights reserved.

2025-05-08

PDF generated using Haiola and XeLaTeX on 8 May 2025 from source files

dated 8 May 2025

c688c8bf-38ac-5c00-90bd-6e4eaa165a20